

Disposición derradeira segunda. *Modificación da Lei 49/2002, do 23 de decembro, de réxime fiscal das entidades sen fins lucrativos e dos incentivos fiscais ao mecenado.*

Con efectos para os períodos impositivos iniciados a partir do 1 de xaneiro de 2004, dáselle nova redacción á disposición adicional quinta da Lei 49/2002, do 23 de decembro, de réxime fiscal das entidades sen fins lucrativos e dos incentivos fiscais ao mecenado, que quedará redactada nos seguintes termos:

«Disposición adicional quinta. Réxime tributario da Cruz Vermella Española e da Organización Nacional de Cegos Españóis.

O réxime previsto nos artigos 5 a 15, ambos inclusive, desta lei será de aplicación á Cruz Vermella Española e á Organización Nacional de Cegos Españóis, sempre que cumbran o requisito establecido no penúltimo parágrafo do número 5.º do artigo 3 desta lei, conservando a súa vixencia as exencións concedidas con anterioridade á súa entrada en vigor.

Estas entidades serán consideradas como entidades beneficiarias do mecenado para os efectos previstos nos artigos 16 a 25, ambos inclusive, desta lei.

Terá a consideración de explotación económica exenta, para os efectos do disposto no artigo 7 desta lei, a comercialización pola Organización Nacional de Cegos Españóis de calquera tipo de xogo autorizado polo Goberno da Nación, de conformidade co réxime xurídico previsto na disposición adicional cuarta da Lei 55/1999, do 29 de decembro, de medidas fiscais, administrativas e da orde social.»

Disposición derradeira terceira. *Entrada en vigor.*

1. Esta lei entrará en vigor o día seguinte ao da súa publicación no «Boletín Oficial del Estado».

2. A regularización que, se é o caso, se deba efectuar en cumprimento do disposto no derradeiro parágrafo do número 2 do artigo 128 do texto refundido da Lei do imposto sobre sociedades, aprobado polo Real decreto lexislativo 4/2004, do 5 de marzo, practicarase unicamente en relación cos períodos impositivos iniciados a partir da entrada en vigor desta lei.

Por tanto,

Mando a todos os españois, particulares e autoridades, que cumbran e fagan cumprir esta lei.

Madrid, 29 de marzo de 2006.

JUAN CARLOS R.

O presidente do Goberno,

JOSÉ LUIS RODRÍGUEZ ZAPATERO

5693 *CORRECCIÓN de erros da Lei 30/2005, do 29 de decembro, de orzamentos xerais do Estado para o ano 2006. («BOE» 76, do 30-3-2006.)*

Advertidos erros na Lei 30/2005, do 29 de decembro, de orzamentos xerais do Estado para o ano 2006, publicada no «Boletín Oficial del Estado», suplemento número 1 en lingua galega, do 2 de xaneiro de 2006, procédese a efectuar as oportunas rectificacións:

Páx. 10: exposición de motivos, punto X, décimo terceiro parágrafo, segunda liña. Onde di: «... sorteos especiais de Lotaría Nacional.»; debe dicir: «... sorteos de Lotaría Nacional.»

Páx. 14: artigo 12, punto dous. Onde di: «... poderanse incorporar aos créditos do exercicio 2004 os remanentes ...»; debe dicir: «... poderanse incorporar aos créditos do exercicio 2006 os remanentes ...».

Páx. 17: artigo 19, punto dous, segundo parágrafo, novena liña. Onde di: «... ao mes de xuño, e polo 100 por cento deste complemento na do mes de decembro.»; debe dicir: «... ao mes de xuño, e o 100 por cento deste complemento na do mes de decembro.»

Páx. 18: artigo 21, punto un, letra d, relativo ás contías da contribución individual ao plan de pensións, na fila correspondente ao grupo D, a contía en euros, por soldo. Onde di: «67,61»; debe dicir: «67,71».

Páx. 23: artigo 26, punto un.c), relativo ao complemento de dedicación especial, terceira liña. Onde di: «... o artigo 19.1 do Real decreto 662/2001, do 22 de xuño ...»; debe dicir: «... artigo 13.1 do Regulamento aprobado polo Real decreto 1314/2005, do 4 de novembro ...».

Páx. 23: artigo 26, punto dous, segundo parágrafo, sétima liña. Onde di: «... o artigo 6 do Regulamento de retribucións do persoal das Forzas Armadas, aprobado polo Real decreto 662/2001, do 22 de xuño ...»; debe dicir: «... o artigo 4.5 do Regulamento de retribucións do persoal das Forzas Armadas, aprobado polo Real decreto 1314/2005, do 4 de novembro ...».

Páx. 27: artigo 34.Tres, primeiro parágrafo. Onde di: «O informe citado o número un...»; debe dicir: «O informe citado no número un...».

Páx. 33: artigo 43.Tres, na última cela da táboa «Complementos para mínimos» correspondente aos importes da «Pensión familiar distinta da de viuvez, sendo N o número de beneficiarios da pensión ou pensións».

	«460,65	«6.449,10
Onde di:	euros/mes e	euros/ano
	N»	N»;
	«460,65	«6.449,10
debe dicir:	euros/mes e	euros/ano, respectivamente».
	N»	N

Páx. 40: artigo 64, no último parágrafo. Onde di: «j) A constitución ou transmisión ...»; debe dicir: «i) A constitución ou transmisión ...».

Páx. 42: artigo 67, no cadro correspondente ao coeficiente C5, a referencia que figura na columna «Escala de valores» de «Ata + 100%» debe aparecer á altura do concepto «Poboación».

Páx. 51: artigo 71, tarifa E.2. no número 2, na terceira liña. Onde di: «... cuxo obxecto sexa o tráfico interinsular, para o resto ...»; debe dicir: «... cuxo obxecto sexa o tráfico interinsular. Para o resto ...».

Páx. 53: artigo 73, na modificación da taxa regulada no artigo 19, parágrafo once. Onde di: «Renovación de acreditacións para operar ou dirixir instalacións de radiodiagnóstico 38,59 euros»; debe dicir: «Renovación de acreditacións para operar ou dirixir instalacións de radiodiagnóstico: 38,59 euros».

Páx. 73: disposición adicional novena. Dous, a referencia que se fai, na 12.ª liña, ao «número 3» debe facerse ao punto Tres.

Páx. 73: disposición adicional décima, no punto dous. Onde di: «... deducións establecidas dos artigos 19, 20 e 21 ...»; debe dicir: «... deducións establecidas nos artigos 19, 20 e 21 ...».

Páx. 79: disposición adicional cuadraxésimo segunda. Tres: no número 2 da lei que se modifica, 1.ª e 2.ª liñas. Onde di: «Cando, como consecuencia do servizo de traspasos estatais...»; debe dicir: «Cando, como consecuencia do traspaso de servizos estatais...».

Páx. 82: disposición adicional cuadraxésimo oitava. Sete, no número 3 do artigo 218 da lei que se cita, na 2.^a liña. Onde di: «cando se trata de traballadores»; debe dicir: «trate».

Páx. 88: disposición adicional sexaxésimo quinta, primeiro parágrafo, 4.^a liña. Onde di: «desfrutando»; debe dicir: «desfrutado».

Páx. 98, anexo IV, no módulo de EDUCACIÓN ESPECIAL, I. Educación Básica/Primaria, Outros gastos. Onde di: «5.721,5»; debe dicir: «5.721,55».

Páx. 99, anexo IV, no módulo de CICLOS FORMATIVOS, III. Outros gastos, segundo curso. Onde di: «2.810,30»; debe dicir: «2.180,30».

Páx. 102: anexo VII, na alínea c). Onde di: «... ao que se produza no crédito 17.38.453D.60.»; debe dicir: «... ao que se produza no crédito 17.38.453B.60.»

Na mesma páxina e anexo, alínea d). Onde di: «... que correspondan ao proxecto 98.17.38.06000 «Convenio coa Comunidade Autónoma ...»; debe dicir: «... que correspondan ao proxecto 98.17.38.0600 «Convenio coa Comunidad Autónoma ...».